

三水縣志卷之十

秩官傳

秩官何以傳傳其實非傳其名也以廉而傳以知而傳以能而傳以勇而傳以勲業而傳以節義而傳郡縣秩官傳卽史記循良傳之遺意也

國家整飭官方澄清吏治化理蒸蒸日上肆以蕞爾之邑賴賢明官長分猷布化翕然稱治迄今或專祠祭或勒碑銘採掇芳徽登諸簡冊以垂不朽召棠萊栢不能專美於前矣雖惡惡欲短而善善欲長亦必據實紀錄毋黨同浮譽致貽譏信史也志

三水縣志

卷之十

秩官傳

一

秩官傳

知縣

郭梅江西吉水人舉人嘉靖十八年來知縣事心存慈愛爲政不擾民到于今稱之

朱端明福建莆田人舉人嘉靖二十三年來尹三水沉重敦慈臨民誠信有朱老實之稱禮賢士大夫如恐不及邑民何葉盛妻陳氏自十九孀守年逾旌期月給絹米獎異之及其卒也遣吏致祭庠生陳峻栢者母羅氏守節未及旌年侯爲立傳以俟之凡侯措理一一皆畱心風化邑民有能以禮義

率族者莫不隆禮待之又新櫺星門砌縣前街植河旁樹至今林木成蔭人以比甘棠云

周文燦號肖巖福建閩縣人舉人嘉靖三十一年來令三水心存清淨政尚廉平邑初置百度草荆侯至首設祭器以正從前簡陋徐捐資修理學宮諸所廢圯槩撤而新之邑當衝要每部院會宴供億繁難侯營行臺於河旁無復臨時鋪陳彩帳之擾立演武場創迎春亭建庫樓皆侯經理先是二十九年海寇突入縣城取藏逾千而去故侯至卽有庫樓之建三十二年大羅山賊焚劫胥江侯以單

三水縣志

卷之十

秩官傳

二

兵退賊三十三年西山流賊復屠胥江賴侯稍全民歌之日周侯生我有兵獲私鹽爲有勢力者家人侯不以情撓法竟麗于罰諸所不便於民者毅然去之後當道以材薦調六合縣一時士民雖幸公道之昭而實大失望矣崇祀名宦

陶守訓字允徵號望沙廣西平樂人舉人嘉靖三十八年來令本邑治存大體其始至也邑河下有抽分廠商苦之直于巡按卽力爲申罷所條議立千戶所添里圖革冗員裁吏役防倭寇悉乃心力具載文移邑西二十五里爲竈岡圍計田數拾萬畝

居民數千家介於西北二江間潦溢堤頽侯躩然如已溺也卽親履經畫築之視故堤高數尺厚倍之法自己出至今呼爲陶公堤邑之良岡鎮在高要壤內時苦寧浪流賊侯申議築土城請其鄉之致仕鄧國賓董之舊于城外東偏築二臺一祀山川一祀社稷二壇并列于禮弗稱侯乃改立壇壝祀社稷于城外之西南祀山川於城外之東南立三江書院以淑士又以邑編役太重而舖兵率皆冗設且因公文已入驛遞可以裁減乃申議裁其冗者減編以寬民一分之賜自置邑來原以民壯

三水縣志

卷之十

秩官傳

三

五十名守胥江巖石營後巡按蔡 謂界屬上游地虛無衛增壯額五十名協守民稅加編里排苦之迨侯時安戢久矣乃申議巖石營壯槩撤回城而裁其新增者以胥江司弓兵分二十名守界牌地方遇警飛報分枝策應民又賴以減編凡侯爲政皆先定規模而後從事不爲小惠尤加意士類篤行鄉約部使按他邑輒誡其令曰汝如三水之陶則可矣政通人和乃集庠士始輯縣志存實事不治文辭李公義壯謂其爲政有本治邑六年擢去民爲立碑縣南門西思之崇祀名宦

鄭孔道福建閩縣人舉人嘉靖四十三年令三水剛正廉能不假借近習不徇情權勢讞決之案每朝造而夕剖故當時質成者有斗米鄭之稱以不苦畱難也其節用愛人者見於夫單之立其輯境安民者賴有賊首陳階李玉之除經知縣虞瑀申請名宦以時方顯庸未艾府議身歿另申至國朝康熙四十九年知縣鄭玟詳請崇祀名宦甘汝遷廣西富川人選貢萬曆十九年來知三水縣事儉朴慈祥所服衣冠澣濯不棄單騎講

六諭躬親解說必使衆志曉白不爲虛文加禮耆年

三水縣志

卷之十

秩官傳

四

猶屬意子弟之雋穎者皆能接見撫摩樂育令人父母親之邑大旱積誠爲文祈于城隍神三日不雨侯乃自繫以禱須臾滂沱四徧時人謂之眞甘澤園土裁疫必躬襁之胥水賊蛋麥孔陽等夜則十蛋啣尾夾以長桅遠望之如長船衆力操之其捷如飛遇貨艘往來無不得者殺人擇深潭沉之尋拆桅復爲小蛋又作奔報哨守狀官兵截捕竟茫無賊踪如是逾年道路苦之而不知其故侯廉得其情親往詰之召善沒者至潭撈骨爲證屢沒不能得爲其潭至深不可盡沒侯爲焚香告天執

沒者之手硃批之曰取骨伸冤遂所入成抱而出
蛋賊盡平每或公事至會城他邑有疑事難決者
上臺悉以委侯畱駐海珠寺逾月鞠理有業箕者
爲人家整補舊箕箕斷自傷其腹而死誣告人家
刺殺之沉獄數年侯爲詳察白上臺出之合郡悉
頌神明其爲政要多類此崇祀名宦

閔之聞字德懋號中孚四川仁壽人萬曆庚戌來尹
三水初至捐俸修學革耗甦民捕獲眞盜立置之
法保護良善一時賴之水灾親勘暑雨不以爲勞
修葺圩基多所捐助前令頗爲民苦侯至立起瘡

三水縣志

卷之十

秩官傳

五

瘼凡

文廟及羣小祀牲帛器血必周省視對越必嚴趨蹌
必謹中規中矩務爲諸士之範尤扶植士氣有廩
生陳羔性素醇謹爲橫弁林魁率兵王忠王漢毆
辱有據侯特爲通申正法一時强暴惴惴屏息至
左右胥役動以守法相誠不敢爲奸後知桂林取
道三水土民爭買舟願得一見爲立祠城內南門
之東以祀之至

國朝康熙四十九年崇祀名宦

何夢駿字履悌福建晉江人萬曆甲午舉人四十三

年任三水初至縣集官吏視庫藏空無一物藏中
椽柱又敝衆駭謂宜申聞候視敝椽蟻蛀也土異
色而鬆怪之卽呼鍛者以土付之鞣尋獲白金如
故額人服其卓識侯居官清慎法有操縱期便于
民事無大小悉殫其心常建學宮前天衢雲路二
坊邑故多盜侯嚴緝捕而慎扳誣民始安枕觀察
黃公又謙常親行縣察追徵櫃貯耗多寡率無羨
歎曰三水賦法冠一方矣言之兩臺益重侯云

高其昌號吉生浙江臨安人由舉人歷任四載清慎
明敏游刃簿書循良有同稱焉蒞事之始首立相

三水縣志

卷之十

秩官傳

六

觀社以課造多士嗣是而邑之貢於鄉如劉明新
吳賡元何嘉元何瑗有皆侯所作養者雅化迄今
猶在先是奉徵餉於縣以縣之大小爲額前縣吝
之是年考入儒童本邑遂以小縣額取侯董事卽
捐餉補解邑中縣之額以復時又奉稅間架侯力
請減以恤貧戶諸如修邑志以彰文獻建書院以
祀先儒增城牒置學田善政不可枚舉至其冰蘖
自凜直以爲固然耳旋膺烏府剡薦陟延安郡貳
邑人扳轅哀號越數十年至今口碑猶嘖嘖若道

前日事

羅儀則字宦在江西南昌人由歲薦廷對稱旨特賜
進士出令三水爲人古以朴悃幅無華履任之始
諸務未遑先行課試每月吉讀法後卽進諸生於
學取經書而訂論之多士環橋以聽咸謂文翁橫
渠先哲復見云辛巳西潦決大路竇延浸直抵南
順民其魚乎公毅請於制憲沈公得行賑濟連月
舍郊督率築基是秋書大有焉復捐俸建廟于堤
買祭田以供歲祀遺碣永垂不朽至如開文明門
築青雲路建文昌閣皆竭經營以垂利賴者後竟
以朴率去官公怡然也所建有遺愛祠二一在河

三水縣志

卷之十

秩官傳

七

旁廟右一在青雲菴邑人迄今猶尸祝焉

陳億福建福清人由生員順治四年隨征委署縣篆
未及一載卓有循聲時值水師霍師連叛犯城與
二尹薛某縣尉林景祚教諭江南紀同時被害同
官爲察其捐軀爲國之誠從容死難之節洵足以
凌霜貫日矣爲表章之所以弔其忠節也若夫闡
揚精忠崇祀名宦則以俟諸君子

蘇 嶠字我月河南汲縣人康熙八年以進士來尹
茲土邑當衝津供張絡繹侯持以鎮靜大差過而
民不擾夏稅秋糧皆以時辦捐資葺黌宮興義塾

民甚德之邑志修於前明

熙朝開國以來多有沿革侯輯而新之典章文物燦然
具備政成循卓有聲尋以任滿去康熙六十一年
崇祀名宦

王永名號應五三韓人以勲胄裔縮符來蒞三水康
熙二十一年任下車時邑有水患新生高豐二圍
被決桑田悉魚宅侯卽具文申請優恤其各圩未
決而垂危者侯親履其所督率補救賴以無恙其
爲政精明強幹燭察幽隱如神然亦不任己意遇
事咸詢父老如一切假命誣告侯察其妄卽庭鞠

三水縣志

卷之十

秩官傳

八

訶責而遣之其片言折獄類如此催科不事鞭笞
但以溫言勸諭而民亦樂輸三江胥江等畝積逋
至二千四百兩侯憫其困苦難辦竟出已橐代墊
之給與完單無幾微愜色方耕鑿時單騎行隴畝
中給酒肉勞農夫其加惠吾民類如此邑當孔道
皇華憲節流水接軫民力疲困侯每詣上憲悉力
言之稍獲節省兵燹後邑內營建廢圯殆盡前令
或修或輟艱于財力自侯蒞任樂修建次第告成
若學校義學義倉官亭一時輪奐聿新種種美績
曷可不傳

樊翰號奕文河南汝寧府人由舉人康熙戊辰蒞三水性秉淡泊布衣蔬食屏絕脂膏嚴剔積弊竭力爲民不避艱險暇卽課士文風丕變催輸禁包攬令民自封投納免季金以蘇里役聽訟公平民無守候之累洪水冲基民艱粒食侯捐俸賑濟上司催徵軍精孔亟侯具請寬限民以蘇時有無抵船價奉文行派徵銀六百兩侯不忍民間賠累詳豁不允卽納印綬辭職士民赴上司懇留侯力辭拂袖而歸百姓如失怙恃崇祀名宦

鄭玟字文玉號虛舟閩之龍巖人父某號生菴先生

三水縣志

卷之十

秩官傳

九

明經老宿司鐸連江侯家學淵源工舉業通古文詞由孝廉出宰三水康熙四十五年侯下車時也蒞事以來多實政焉三邑地勢當西北兩江之衝水患最甚侯初至正河伯肆虐之時在在阨危人無固志矣侯獨憂之寢食不遑單騎四出巡視基圍設法隄防督勸修築夜分風雨淋漓侯猶屹立河岸經畫區處自是基圍高鞏江水瀾天田廬無恙此侯之重民命軫民依也邑當孔道供馬賦車絡繹不絕三水之民疲于奔命侯力詳上憲爲之禁革徭役之困稍甦往令征輸悉憑糧房卯簿吏

役得以相緣爲奸上下蒙蔽民無勸懲政愈勞而民愈逋賦是公私兩病也侯內清完欠外別淳頑吏役之奸以絀而民樂輸將地連山澤嘗多竊寇不可究詰侯設練勇以糾之星羅碁布奸宄遂無所容至于一切假命往時視驗有馬蹄錢之名侯悉屏之其有累及士女者皆爲之禁絕此則侯之紓民力恤民困除民蠹禦民暴息民爭者也尤加意學校勤課士以振興文學田以垂後

文廟照牆舊建高濶前塘亦長直僉謂不合形勢欲改而新之而百十年來吝於費憚於煩無有能更

三水縣志

卷之十

秩官傳

十

之者至侯慨然改作從前難舉之事一朝舉之是科秋捷者四人豈偶然耶青雲橋學右書院復爲修建侯之經綸彌遠矣士民思其功德不能忘也立主于學右書院祀之

顧之珽浙江仁和人雍正八年以貢士謁選得三水令蒞邑後百廢具舉摘伏尤神西南街向有落地稅民以爲累卽爲詳免又改設城守衙署以資彈壓邑境肅清士民安堵後以海疆需人調補電白去所至多惠政聞電民亦至今思之

汪鼎金安徽休寧人乾隆八年以進士知縣事卓有

政聲居官廉恕尤加意士林嘗深夜微行聞讀書聲琅琅蹟爲某某詰旦卽召之來獎其勤學厚贈之復撥充公田畝爲貧生膏火都人士翕然稱美爭相慕效文教大興迄今科第鵲起僉謂非侯之力不及此因立祠奉祀以志遺愛云

沈百齡浙江海寧人乾隆十二年來尹斯邑有幹濟才補偏救弊無不備至若修

文廟及各壇宇以崇祀典其首務也他如整義塾修基隄行賑濟立心行政爲民生所利賴者不可更僕數且也和衷營弁體恤汛兵邑故衝疲處之裕

三水縣志

卷之十

秩官傳

十一

如焉以才遷電白去之日兵民交口稱頌至今弗衰

侯學詩號葦圃江蘇江寧人乾隆四十六年以進士選授斯邑甫下車謁

文廟見殿宇廡垣日就彫剝如背負芒慨然以捐修爲已任經營備至不日告成鳳岡講席向多聘外省名宿主之邑人各搯土音講授苦不甚明晰以故肄業者寥寥侯稔其情卽改延本邑孝廉學者稱便居恒勤案牘絕苞苴優禮士林撫恤惇獨一時有名杜之稱尋調新會署通判領鮭綱總局時

大府以鹽政日疲新設綱商令各邑舉殷戶以充之鄰邑士民以轄充破產者比比矣吾肆獨賴侯以免侯蓋習知地瘠民貧預爲咨白故舉充之令不及焉邑民向苦計口派鹽之累呈准豁免本埠引額歸入總局融銷亦侯之力也後以報最擢肇慶知府丁艱起改江西撫州肆民思其功德並汪侯鼎金合祀之

王元樑號筠窻江西龍南人嘉慶壬戌進士十八年來宰是邑方正廉潔常祿外不名一錢接見士類循循善誘人見之如坐春風中其邃養如此比年童試卷價遞增侯知其弊爲覈定卷費毋許吏胥需索勒石尊經閣永禁之輿論翕然尋以疾自劾去

縣丞

鄭其祥號愷吉浙江處州府麗水縣人以功貢出身初任江南上海開河道有德聲嗣佐三水清慎愛民退食之餘惟栽花種竹講學論詩無他事也邑接西北時患洪潦奉上督修基圍凡一簣之士非經目不可也雖朝夕勤勞並無德色治北有古廟爲邑風水護日久傾塌共捐修復士民德之兩署

縣事與轉運協嵯才能丕著卒於官

主簿

陸 莊浙江嘉善人嘉靖四十年來主縣簿宅心仁
恕立政寬宏訟者咸願質成衿儒亦喜作興歷任
逾年以疾辭歸臺司嘉獎有光士民感慕不置

教官

鄭 琛福建晉江人歲貢嘉靖十九年陞本學教諭
天性溫厚學問淵博日會諸生講論剖悉理奧窮
年不倦甘清淡厭侈靡之習忘物累無出位之私
歷任二載致仕後二孫連登科甲人以爲厚德之

三水縣志

卷之十

秩官傳

十三

報云

何良弼江西東鄉人嘉靖三十一年諭本學教事學
問優長持身端謹誨人不倦多得士心御史王加
禮獎勸儒林至今高之

邱述可保昌人歲貢天啟二年任本學教諭學問淵
源不得窺其涖而言規行矩冲和自得貧士贄修
送還作書金同時訓者皆嚴苦以邱爲太寬而邱
恬如也泮池始鑿實身任其事陞本府教授諸生
至府考試皆齎芻果往候請教無虛日至今思之

劉 逮江西萬安人歲貢嘉靖五年任本學訓導郤

貧士之餽嚴程課之期奉文委拆淫祠不惑禍福
卽以淫祠改爲社學至今四境絃誦嘉惠不絕云
方傑江西新建人歲貢嘉靖七年任本學訓導持
身以先哲自律教人以敦行爲先燕閒手不釋卷
屬文輒有新裁在任六年陞蕭山教諭

周向陽湖廣道州人歲貢嘉靖三十五年任本學訓
導志向端而行專守已學術正而教足率人非公
事不入公門日與諸生講德論道士類傾心歷任
七年始終如一

劉大節德慶州人歲貢萬曆四十四年任本學訓導

三水縣志

卷之十

秩官傳

十四

居心平易接人和霽怒色疾言不入于諸生耳目
諸生每見靡不畱歡終日談論間曲盡鼓舞樂育
之意曾述少年隨任偶遭覆舟一念孝思感動天
地竟獲安全則其積德回天非偶然者以高壽卒
于家諸子有聲庠序人咸謂盛德之報

陳天德瓊州人歲貢萬曆四十五年來訓本學爲人
廉潔自好淡食粗衣爲諸士式論文課行外他無
所及貧士贄節固卻不受自云食祿雖薄亦差強
諸生有廩生何兆偉起學幫補念其貧盡免束修
之禮光廟賓天率諸生痛哭如儀中夜言及猶隕

涕不止蓋所爲古君子也

謝式南字復申潮州府揭陽縣人由貢生來諭三水
教事眞誠雅素平易近人諸生謁見講經談義終
日不倦每月吉宣讀

皇訓卽命題課藝篝燈評閱夏暑冬寒不輟有司之
事絕口不道貧士修贄一概不取惟紳士或橫被
註誣則力爲申雪如同已溺事在學校更知無不
爲爲無不力如改照墻墳前塘以興文運皆力勸
厥事與邑侯相與以有成功在後世者也

車廷猷博羅人乾隆五年以副貢司鐸宅心寬厚平

三水縣志

卷之十

秩官傳

十五

易近人與諸生講論經義終日孳孳不倦春秋釋
奠殿廡躬自洒掃陳設俎豆必誠必敬尤澹於財
一饘一粥粗糲自甘弟子見不以贄者輒弗問常
曰司教將以範人顧於此事爭錙銖乎其廉潔之
搯都人士無不知者去後卽汪公祠爲粟主以祀
之

巡檢

王德英浙江山陰人任三水司巡檢性孤介不爲私
橐計官雖卑志不少貶廨宇傾塌卽僦民舍居之
時解衣付質庫資困乏宴如也乾隆甲辰夏河伯

肆虐聞大路堤基將陷親往督救堤賴以全清塘圍基決復移駐堤上督修之民有餽遺輯峻拒弗納時論多之惜乎名位過卑未竟其用特志之以風有位者

范 郇河南武安人由吏員任爲人公明廉潔邑之十八里界連南海高明往來盜賊出沒靡常知縣鄭玟令各鄉設立練總鄉勇星羅碁布查緝奸宄郇奉行勤謹稽查保甲單騎往來無間寒暑地方安堵巡司舊有各鄉年例取之保甲郇一無所取詳縣禁革民甚德之

三水縣志

卷之十

秩官傳

十六

都司

趙之英貴州威寧州人乾隆十一年由行伍洊擢至三水營都司性溫雅樂士大夫往還與邑令交尤莫逆營有作奸犯科者屬盡法懲創母少貸紀律嚴整一軍肅然而平時噓噢士卒若字子弟以故咸畏懷之而不怨兵民相安汛哨無事閭閻舟楫咸資捍衛焉

馬國才貴陽府人亦以軍校積功歷都司乾隆十九年來任爲人誠樸謙下每自稱爲老兵喜讀書簡閱之暇一卷自怡時趙之英受替未久都人士恒

津津道之國才慕其人益與文士歛洽清時坐鎮
兵不擾民與之英前後有儒將風焉

按官之名於在事也易而名於去後也難去後
則邀結之術無所施其人之真僞乃定三代直
道之公原未泯於人心也肆地當衝要而得賢
明官長若而人廉叔之五袴興歌安定之分齋
習業叔子之緩帶輕裘仰彼先型視茲不遠矣
諺曰前事不忘後事之師也蒞斯土者毋以官
爲傳舍可耳